



Adresa: **Ul.H.Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-202-4/22**
Datum: 02.06.2022. godine

«Agencija za vodno područje rijeke Save» Sarajevo rješavajući po zahtjevu Grada Srebrenik za donošenje rješenja o prethodnoj vodnoj saglasnosti za izgradnju mosta preko rijeke Tinje u svrhu obezbjeđenja pristupa poslovnoj zoni Tinja Gornja, općina Srebrenik, na osnovu člana 109. stav 1. tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o prethodnoj vodnoj saglasnosti**

1. Podnosiocu zahtjeva Grad Srebrenik daje se prethodna vodna saglasnost za izgradnju mosta preko rijeke Tinje u svrhu obezbjeđenja pristupa poslovnoj zoni Tinja Gornja, na zemljištu označenom kao k.č. broj 742, 743, 877, 2527, 2532/1 K.O. Tinja, općina Srebrenik.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Ova prethodna vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
4. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 4.1. Izraditi investiciono-tehničku dokumentaciju izgradnje mosta na nivou glavnog projekta čija rješenja za propusnu moć će ispoštovati propise o vodama, a sve u skladu sa članom 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20).
 - 4.2. Investiciono-tehnička dokumentacija treba biti urađena od strane ovlaštenog pravnog lica i revidirana od strane drugog pravnog lica, oba sa „liste A” Fedralnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 4.3. Sa vodoprivrednog aspekta kota donje konstrukcije mosta treba da bude viša za 1,2 m u odnosu na kotu velike vode rijeke Tinje ranga pojave 1/100 godina. Obalni upornjaci mosta, u odnosu na prirodni poprečni profil korita rijeke Tinje trebaju imati takav polažaj da ne smanjuju širinu prirodnog korita.
 - 4.4. Potrebno je provesti hidraulički proračun za dionicu uzvodno i nizvodno od mosta i utvrditi vučne napone u koritu i kote uspornih voda na mostu pri proticaju velikih voda ranga pojave 1/100 godina. Za slučaj da vučni naponi budu veći od dozvoljenih u prirodnom koritu, potrebno je predvidjeti i utvrditi potrebnu dužinu prelaznih dionica

od obalnih upornjaka do prirodnog korita sa oblaganjem kosina korita i eventualno dna korita, a sve u svrhu sprječavanja erozije.

- 4.5. Projektnom dokumentacijom dati organizaciju izvođenja radova u koritu rijeke Tinje, kojom će se moguće štete u koritu i obalama, odnosno moguće štetne promjene režima voda, svesti na najmanju mjeru. Predmjerom radova predvidjeti, nakon završetka izgradnje mosta, radove uklanjanja svih pomoćnih objekata i radove čišćenja i uređenja korita.
- 4.6. Pri izradi projektne dokumentacije pažnju posvetiti na položaj postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.
- 4.7. Sagledati sve moguće neželjene uticaje na planirani objekat i planiranog objekta na druge objekte i postrojenja, stečena prava korisnika, postojeću infrastrukturu, naselja, zone sanitarne zaštite izvorišta i slično, te dati prijedlog mjera za sprječavanje tih uticaja u toku izgradnje i korištenja mosta uključujući i standardne i dodatne mjere zaštite.
- 4.8. Za prečišćavanje onečišćenih oborinskih voda sa površina kolovozne konstrukcije mosta predvidjeti ugradnju tipskih separatora ulja i naftnih derivata sa odgovarajućim taložnicima za prihvatanje oborinskih voda, u skladu sa normama EN 858. Kotu dna separatora ulja i naftnih derivata predvidjeti na koti višoj od kote velike vode rijeke Tinje ranga pojave 1/100 godina, odnosno bez uticaja velikih voda na efikasnost rada uređaja.
- 4.9. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
5. Nakon ishodovanja Rješenja o urbanističkoj saglasnosti i Okolinskoj dozvoli od nadležnih službi, potrebno je podnijeti zahtjev za donošenje Rješenja o vodnoj saglasnosti na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivu ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata.
6. Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ova prethodna vodna saglasnost se može izmjeniti ukoliko nastupe razlozi utvrđeni u članu 130. stav 1. tačka (1)., (2)., (3). ili (4). Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Grad Srebrenik je podnio zahtjev za donošenje rješenja o prethodnoj vodnoj saglasnosti za izgradnju mosta preko rijeke Tinje u svrhu obezbjeđenja pristupa poslovnoj zoni Tinja Gornja,

općina Srebrenik, na zemljištu označenom kao k.č. broj 742, 743, 877, 2527, 2532/1 K.O. Tinja, općina Srebrenik.

Uz zahtjev je dostavljena i pregledana slijedeća dokumentacija:

- Ovjerena kopija uvjerenja o registraciji poreznog obveznika izdatog od strane Porezne uprave F BiH - Kantonalni porezni ured Tuzla, dana 19.11.2021. godine;
- Ovjerena kopija Obavještenja o razvrstavanju pravnog lica prema klasifikaciji djelatnosti, izdata od strane Službe za statistiku za područje Tuzlanskog kantona broj: 07-32.5-15695/21 dana 22.11.2021. godine;
- Mišljenje o usklađenosti planiranih aktivnosti izgradnje mosta za Privrednu zonu Tinja Gornja na zemljištu k.p. 742,743, 877, 2527 i 2532/1 K.O. Tinja sa dokumentima prostornog uređenja;
- Popis parcela, K.O. Tinja dat od strane Službe za geodetske i imovinsko-pravne poslove Grad Srebrenik, broj: 03-26-1025/22-4 dana 19.04.2022. godine;
- Ovjerene kopije Izvoda iz posjedovnog lista broj: 189, 192, 1024, 194 dati od strane Službe za geodetske i imovinsko-pravne poslove Grad Srebrenik, broj: 03-26-581/22 dana 03.03.2022. godine;
- Ovjerene kopije zemljišnoknjižnih izvadaka, K.O. Tinja, zemljišnoknjižni uložak broj: 820, 260, 951, 991, 1013, 987, 331, 951, 1231, 1182. 987, 1345, 1182 i 1007, izdatih od strane Zemljišnoknjižni ured Općinskog suda u Srebreniku dana 04.03.2022. godine;
- Ovjerena kopija katastarskog plana, K.O. Tinja, broj plana: 12, UR broj: 03-26-581/2022-9 dana 03.03.2022. godine;
- Studija za izdavanje prethodne vodne saglasnosti – Most za poslovnu zonu Tinja Gornja, urađen od strane „IBIS“ d.o.o. Zavidovići, februar 2022. godine;
- Dokaz o uplati upravne pristojbe.

U provedenom postupku konstatovano je slijedeće:

Studijom je obuhvaćena izgradnja mosta sa pravougaonim montažnim nosačima ukupne dužine 18.10 m. Dispozicija mosta je određena položajem pristupnog puta koji povezuje industrijsku zonu sa postojećim magistralnim putem M18 i profilom regulisanog korita rijeke Tinje. Predviđena je izgradnja mosta ukupne dužine 23.1 m sa jednim rasponom i osovinskim razmakom upornjaka od 18.60 m (svijetli otvor 17.60 m). Obalni oslonci mosta – upornjaci – su predviđeni u standardnoj izvedbi monolitnih upornjaka sa paralelnim krilima i prelaznom pločom. Temeljenje obalnih oslonaca se vri na temeljnoj ploči debljine 60 cm.. Konstrukcija mosta je riješena sa pet AB montažnih nosača sa razmakom od 215 cm, koji se postavljaju direktno na upornjake. Nosači su jednostavnog pravokutnog presjeka, sa nadvišenjem u fazi proizvodnje od 16 cm. Obalni oslonci su predviđeni u tzv. integralnom tipu konstrukcije, tj. bez prelaznih uređaja i ležaja. Most je u dvostranom podužnom nagibu od oko 2%, kao i jednostranom poprečnom nagibu od 2.5%. Širina kolovoza na mostu je 2x2.75 m sa zaštitnom širinom od 25 cm i dvije pješačke staze širine po 140 cm uz ukupnu širinu mosta od 9.50 m uključujući i ograde. Most će prelaziti preko rijeke Tinje, uzimajući u obzir gabarite budućeg regulisanog toka, ali se istovremeno uklapa i u sadašnje prirodno korito na lokaciji mosta. Dispozicija mosta je usklađena sa profilom korita, kao i kotama terena i saobraćajnice – pristupnog puta industrijskoj zoni, koji povezuje budućni razvojni prostor sa magistralnim putem, neposredno uz lokaciju.

Nakon uvida u raspoloživu dokumentaciju, konstatirano je da sa aspekta sektora voda i priložene dokumentacije ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Na osnovu prednjeg i provedenog postupka, a shodno članu 111. Zakona o vodama («Službene novine Federacije BiH», broj 70/06) i člana 5. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19 i 41/20) doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.grad.

**Po ovlaštenju
Rukovodilac sektora za
izdavanje vodnih akata**



Hariš Ališehović
Hariš Ališehović, dipl.inž.grad.

Dostaviti:

- Grad Srebrenik, ul. Varoških polja bb, 75350 Srebrenik Grad
- AVP Sava, ISV, Vodna knjiga,
- Sektor 40, arhiva,
- Oglasna ploča